



啓禎野乘三卷五  
至六



啓禎野乘一集卷五

李忠毅傳

公諱應昇字仲達號次見直隸江陰人也。生之夕父夢日升于天故名。少讀書砥行師武進吳鍾巒弱冠補諸生第一。乙卯丙辰聯魁鄉會試親朋交賀獨鍾巒最以豎立謂公車高第不過如是而已。公深旨授南康府推官洗沉寃清夙弊止飲瀑泉勺水尤加意造士興白鹿洞書院人文蔚起。戊午分較江西所

梁溪鄒

漪流綺甫纂

獲多名雋。搜敗卷得張斌。領解額士類。翁服辛酉。復分較廣東。壬戌擢福建道御史。以激揚爲已。任多言。人所不敢言。常請停內操。以保君身。恤畿民。以固邦本。勤召對。以通上志。止立枷。以廣皇仁。其大快公論者。糾魏廣微。有疏謂廣微慢上無禮。日與言官爲難。比之路馬。斥之。此輩夫不與此輩爲伍者。必另有一輩。作緣且廣微之父。常爲言官。公正發憤得罪。閣臣以去聲施至今。廣微應退讀父書。保其家聲。毋倚三篇箴。制言官。庶上可對聖明。下可對士庶。異日亦可。

見○乃○父○于○地○下○也○糾○魏○忠○賢○有○疏○謂○忠○賢○之○罪○干○真○萬○真○無○可○辨○也○干○罪○萬○罪○又○不○勝○辨○也○而○皇○上○反○代○爲○辨○則○中○旨○真○可○聽○其○僞○傳○乎○閣○臣○真○可○聽○其○爰○立○乎○外○廷○真○可○聽○其○交○通○乎○老○臣○真○可○聽○其○驅○逐○乎○直○臣○真○可○聽○其○禁○錮○乎○生○殺○真○可○聽○其○自○操○乎○爵○祿○真○可○聽○其○掌○握○乎○奸○細○真○可○聽○其○深○藏○乎○兵○柄○真○可○聽○其○在○手○乎○出○入○真○可○聽○其○僭○擬○乘○輿○乎○臣○知○非○皇○上○意○無○非○爲○其○小○忠○小○信○所○欺○耳○夫○不○遽○爲○王○振○劉○瑾○者○正○其○深○于○王○振○劉○瑾○者○也○末○復○切○責○閣○臣○謂○

君側不清焉用彼相一時之爵位有盡千秋之青史  
難欺不欲爲劉德謝遷者恐并不能爲李東陽倘畫  
策投歡不幾與焦芳同傳耶嗣是救萬燦有疏代總  
憲孫瑋救林汝翥有疏代總憲高攀龍叅崔呈秀有  
疏呈秀被劾時暮夜叩邸乞哀公拒之呈秀被黜啣  
恨與援復起與二魏謀中公嗾黨曹欽程論公削籍  
歸蓋欽程以察處夤緣速化公會疏言墨吏破甍如  
鷹思攫請著爲定例勿復轉民牧故恨公者也丙寅  
又以織監李實疏與高忠憲六君子同逮邑令岑之

豹至公從容笑迎攜手登舟不一入與家人訣此入  
郡緹騎虎怒吳鍾繼逆公于道館之家慷慨論列如  
平生歡衆環泣攘臂奮呼競逐緹騎公搏額丐免或  
以高公汨羅之遊諷者公曰應昇小臣如草草畢命  
陷吾親縲紲中卽歿不瞑目歸死詔獄吾分也敢引  
大臣不辱之義乎至京下獄誣贓四千榜掠備至大  
呼二祖列宗以死將死時寄詩友人蔣允儀有云他  
日蒙恩弛黨禁老親稚子待君看又有絕命詩云十  
年未敢負朝廷一片丹心許獨醒只有親恩無可報

生○生○願○誦○法○華○經○絲○絲○循○省○業○因○微○假○息○餘○魂○有○夢  
歸○燈○火○滿○堂○明○月○夜○佛○前○合○掌○着○緇○衣○又○遺○書○誡○子  
謂○當○儉○以○惜○福○謙○以○守○身○朝○夕○孝○事○祖○父○母○勿○以○而  
父○為○戒○謂○善○不○可○為○古○人○之○道○不○可○行○天○下○聞○而○悲  
之○時○年○三○十○有○四○公○丰○骨○嶒○峭○而○居○家○恂○恂○若○處○子  
孝○友○恭○讓○鄉○曲○無○間○言○崇○禎○初○詔○贈○太○僕○寺○卿○甲○申  
追○謚○忠○毅○廕○子○遜○之○入○監○讀○書○遜○之○立○言○礪○行○不○媿  
為○賢○者○焉

論曰逆璫之難○死者不過數人○而暨陽一隅○公與西

溪繆公○且得其二○吾遊江干○登春申君山○覽澄波如  
練○千里一碧○地靈所鍾○其在斯乎

楊忠烈傳

公諱漣字文孺號大洪其先故關西裔流入安南居  
 唐街宣德中從英國公歸附賜居湖南徙應山公少  
 負大志與陳愚交以豪傑相許嘗雪夜行歌遍邑倚  
 杖笑畫地書狂吟痛哭人莫能測里中呼曰狂生舉  
 萬曆丁未進士知常熟縣五年舉清官第一得上考  
 歷遷戶兵兩科給事中天下大議一出公手是時  
 光宗在東朝為鄭聞儲位未定神宗疾皇太子罕  
 召見日肝旁皇寢門公走告閣臣當直宿閣中率百

官問安效宋文潞公訶內侍故事傳語佯讀王安太子當力請入侍遲明而出日暮還宮以倘非常體念東宮殆無休日光宗立五日病趣封鄭貴妃爲皇太后及李選侍爲皇貴妃傳旨旁午中外姪邪扇動鄭李謀踞兩宮挾皇長子以專國命公要諸大臣集左掖門面折貴妃姪養性貴妃知不可奪卽日移慈寧宮去公上疏極論鄭氏所遣醫崔文昇侍疾罪宜發司禮究問宣示中外因進皇長子及皇子扶牀繞膝導迎和氣收回封太后成命無輕發詔令以尊國

體疏上三日上命錦衣召公公入見衆疑上必杖公上目注久諭曰國家事重卿等盡心朕自加意調理未幾駕崩群臣將哭臨公排闥入內使持挺下公厲聲曰皇上崩正臣子入臨會誰敢辱天子從官者手挺却及宮迫呼拉還者再公復手却群臣因得入哭臨畢問皇嗣所在諸璫張口不對時皇長子爲選侍置煖門王安紹選侍抱出寢門英國公張維賢捧右手大學士劉一燝捧左手呼萬歲皇長子稱不敢當尚書周嘉謨請御殿選侍台回三公叱之擁登輿至



殿○群○臣○禮○退○皇○長○子○居○慈○慶○選○侍○猶○踞○乾○清○不○出○公  
發○憤○上○言○曰○先○帝○升○遐○人○心○危○疑○謂○深○宮○選○侍○儼○然  
母○道○自○居○外○托○保○護○之○名○陰○懷○專○擅○之○實○故○力○請○陛  
下○暫○居○慈○慶○實○有○鑒○於○皇○祖○鄭○貴○妃○事○欲○先○擇○別○宮  
遷○之○然○後○奉○駕○還○宮○今○諸○臣○靜○俟○五○日○登○極○已○定○明  
日○矣○既○登○寶○位○天○子○豈○有○偏○處○東○宮○之○理○今○奉○移○宮  
明○旨○若○復○耽○延○豈○真○欲○天○子○遜○避○一○宮○嬪○乎○公○抗○論  
於○朝○房○于○掖○門○於○殿○廷○日○以○十○數○選○侍○乃○移○熾○鸞○宮  
瀕○移○奮○髯○呼○叫○聲○泪○迸○咽○大○言○曰○選○侍○能○於○九○廟○前  
殺○我○則○已○今○日○若○不○移○宮○死○不○去○聲○徹○御○座○殿○陛○皆  
驚○上○顧○近○侍○語○曰○鬚○子○官○真○忠○臣○也○當○是○時○女○主○肉  
制○群○奄○外○結○公○儼○然○行○顧○命○大○臣○事○以○一○身○奪○人○主  
干○婦○寺○登○極○不○已○繼○以○移○宮○外○戒○金○吾○簡○騎○從○周○廬  
儼○備○內○戒○中○官○乳○母○宮○人○闕○入○身○露○坐○宮○門○外○五○日  
夜○不○交○睫○頭○髮○盡○白○皇○祖○有○靈○實○鑒○臨○之○然○一○時○宵  
小○思○中○傷○之○矣○因○述○遺○宮○本○末○奏○上○優○詔○褒○嘉○公○謝  
疏○謂○皇○上○量○同○天○海○孝○隆○唐○虞○但○徵○臣○荷○綸○綍○之○褒  
過○徼○忠○直○之○譽○一○不○安○俯○慚○卑○末○豈○可○掩○人○于○前○仰

藉清平何敢貪天爲力二不安受朋友之虛譽尤愧  
過情叨君父之寵嘉能無深愧三不安臣引分自循  
唯有決去一着 上留之尋告歸予回籍明年壬戌  
起太常寺卿擢都察院左僉都御史轉左副都御史  
時逆關魏忠賢權藉甚朝堂之上知忠賢不知皇上  
都城之內知忠賢不知皇上即大小臣工又積重所  
移積勢所趨亦止知忠賢不知皇上莫敢出一語者  
公扼腕流涕首疏劾二十四罪遂群攻之忠賢驚且  
恚擲地哭群小慰之曰母恐逐楊某公可安枕矣忠  
賢假會推事盡逐公等群小又嗾之曰不殺楊某公  
之禍未艾也忠賢大懼急徵公等坐故經畧熊公廷  
弼賊廷弼者公垣中所推也公條奏天下事言遠事  
必大壞宜置經畧辨遠後熊公爲御史馮三元劾公  
救之謂議經畧者終難抹殺其功憐經畧者亦難掩  
飾其咎功在支撐辛苦得二載之倖安咎在積衰難  
振張萬全之無策熊公得解任聽勘廣寧陷熊公下  
獄忠賢以賊坐公曰不如此無以殺楊某也先是考  
汪文言五刑備極迫使引公文言仰天笑曰安有貪

賊楊大洪乎。至死不服。及考公獄。吏顧以文言爲徵。公大呼。太祖高皇帝。神光兩宗。竟坐誣死。時年五十。有四公死。慘毒萬狀。暴屍六晝夜。蛆虫穿穴。畢命之夕。自氣貫斗。災眚疊見。天地震動。天下寃之。當

視就繫。哭送者數萬人。壯士劍客聚而謀劫奪。幾千人。所過市集。攀檻車看忠臣炷香。設祭祝生。起者自豫。輿達荆。綿亘千里。追賊令亟賣菜。備亦爭以數錢投縣令。區中三年後止。夫人詹氏與後姑棲止。樓樓風雪中。二子乞食養。末子幼。賴舊交陳愚匿

於廬山。有長犬。戊辰毅宗立。追錄死。闕忠臣以公爲首。詔贈右都御史。加贈太子太保。謚忠烈。廕子與祭葬。

論曰。楊公其霍光流與。當光宗顧命。上未嘗畫圖

示。日爾輔我長子。下不敢涕泣。問曰。君誰嗣。不過色授意喻。已耳。卒至成。大事安社稷。嗟嗟若公者。殆霍光之流。而非霍光之流也。光輔弗陵。于鉤戈旣死之時。公輔長子於選侍尚存之日。鉤戈死。誰與弗陵爭。天下選侍存。先與長子爭。一宮自古事出宮禁。未有

不為國家慮者公以移宮二字全其君卒以移宮二字殺其身吁可畏也夫

左忠毅傳

公諱光斗字遺直號滄嶼直隸桐城人也生時月當大斗火光繞屋故名庚子舉鄉試丁未成進士初任中書癸丑擢入為御史待命凡七年強半依膝下樂山水兼縱觀古今人載籍每謂元祐去亂法不去亂人畢竟是錯李忠定于高宗和議極諫皆筆事不知爭人蓋事之失止一事人則階禍無窮故曰百年之計存乎樹人嘗貯一人才單于篋暇時輒手自點定某賢某次其留意用人如此又謂近見官府鈎連

魁魁晝現以宵小托婦寺以婦寺釀夷狄疑陰有感  
大亂日生原其本來皆繇穢濁故徵人以品徵品以  
清已未考選命下所銓敘一如平生言時 神廟靜  
攝久邊事告急朝議募外兵衛京師公恐蹈漢何進  
故智疏止之特糾新舊平章語大剴切未幾奉命視  
屯公以北人不知水利畏言屯田勝國初倚漕東南  
至以御酒龍衣求米張士誠今不改謀後將無食乃  
力請屯田又請倣漢力田科以屯入多寡爲殿最使  
人自爲田又請置屯學設博士弟子員因屯糧制餼  
詔俱報可于是屯功大興鄒忠介公道見之歎曰夫  
治天下豈不才哉人苟有才天氣地力皆可得而  
變也往三十年都人之視藁秸猶扶桑也而今畝棲  
若此嗟乎當是時 顯皇帝不豫璫劉朝矯東宮旨  
索 世廟威魄絕庄公封還不啓曰尺地皆 殿下  
有今日御史受命巡田安敢以田私進奉乎璫惠甚  
已又糾巨璫陳登奪子粒爲屯亟當按一時咋舌曰  
真御史真御史云亡何改督學獎才絕倖倣古弓箭  
社遺意教士習射士皆能挽強後白蓮教起奏功者

半出儒生其效也。庚申，禹湖再泣。一時進藥，進御，嘖有煩言。而選侍李希封后，不得以。上幼冲，欲矯遺詔，正位垂簾。母天下，距登極，止六日。猶囁負乾清宮。廷臣憂之。公與楊公漣謀曰：苟以驪姬、良娣而攬雉壘之權，禍豈止于歸胙寶鞍、人鏡房州而已乎？即上疏，力請移宮。停封略日內，廷有乾清宮，猶外廷有皇極殿也。唯天子御天，皇后配天，乃得居之。其餘妃嬪，雖以次進御，遇有大故，即當移置別殿，非直遠嫌。

亦以月尊卑別貴賤也。今大行皇帝賓天，選侍非母儼居正宮，臣竊惑之。臣聞選侍侍先皇，無脫簪

鷄鳴之德。侍殿下，又無撫摩養育之恩。此其人豈真可以托聖躬者？且殿下春秋十六齡，長矣。睿智方開，正宜不見可欲，而奈何托于婦女子之手哉？至位號間，統紀攸係。故先皇在時，屢請名封，不許。履霜堅冰，聖慮淵遠。倘及今不決，異日將借撫育之名，行專制之實。武氏之禍，再見于今。臣且有不忍言者。疏入，選侍怒，亟召見。公公曰：天子耳目官，非天子宣不敢奉。選侍愈益怒，然卒移仁壽宮。中外始大

安會劉遜李進忠等以盜寶逮廣賂邪黨流言選侍  
雉經皇八妹入井以搖人心外議寢囂公復具仁義  
兼盡䟽謂選侍移宮以後自當存以大體捐其小過  
當奉嚴旨切責蓋公不知移宮後上恩禮選侍已  
渥也當是時光宗年號未定或議削去或議仍以  
明年爲泰昌元年公曰先帝一月堯舜言削去者  
罪不在許世子趙盾下聖作物睹與民更始以大行  
年月頒示正朔于春秋嚴始卽位之義豈謂正乎記  
曰禮雖先王未之有可以義起今日之事在以天啓  
存泰昌非以泰昌更萬曆也以泰昌更萬曆未便以  
天啓存泰昌萬世而下將不失爲仁孝衆咸服始斷  
以萬曆四十八年八月爲泰昌元年先是熊公廷弼  
爲遼撫恃才剛愎公䟽規之旣去遼遼敗復起廷臣  
交薦之公曰其人才優而量不逮前以守遼則有餘  
今以恢遼則未足其蚤見類然遷大理丞晉少卿踰  
年拜都察院僉都御史是時充廷盈位悉前光皇  
帝收召名碩如趙公南星高公攀龍袁公化中周公  
宗建暨鄒忠介元標鄒侍郎維漣等並矯志澄清誓

言必濟。小人挾異議者懼。乃日交通魏豎爲一網計。公又與楊公謀曰：京貫連串，指鹿日甚，天下事不可言矣。于是楊公疏璫二十四罪，公亦草三十二斬繼之。未上而謀泄，矯旨奪職，公歸。自分撻權貴人鋒，無生理，然猶無計以解二親，乃取楊忠愍公赴西市事。時時爲其父陳言，又嘗于母夫人前談說滂母故事，蓋以見自古忠臣義士，其爲之親者，未嘗不以烈烈勉其子，真幸親之一慰，而異時或無至大傷其心也。公之川志亦良苦哉。乙丑，闕借移宮封疆二案，坐公竒獄，緹騎至，公顏色不少變，從容拜堂，下曰：兒不得爲孝子矣。勉子讀書，勿以而父爲戒，謂善不可爲，里人聞者無不泣下。將搗竿檄擊緹騎，公曰：是重吾罪也。有欲爲叩闕者，皆止之。至京，屬鎮撫考訊，垂盡，猶手製絕命詞，封寄其父。卒之夜，虹貫斗星，殞灼灼如火光，嗚呼賢人生歿，豈不以天哉。公死後，徵贓追籍田廬十不得一二，并及宗戚財，俱爲盡。子姓繫獄者數十人，母夫人哭死，兄光霽累死，弟孝廉光先光明萬險，幾死，幸逃免。光先于崇禎間爲名御史，著直聲。



嘗擊鱷宗朱術珣權關貪酷狀吳人德之良其世篤  
忠貞有繇然也戊辰思宗登極初贈副都御史再  
贈太子少保廕一子予祭葬給三代誥命里人建祠  
祀之乙酉追謚忠毅  
論曰世以天啓璫禍方漢建寧余曰不然建寧之誣  
君子曰是將爲叛叛非君子所服然在小人持之有  
故至天啓乃以三案夫以三案殺楊左是何異于以  
不討賊不嘗藥者而謂曰忠孝乎春秋比之弑君之  
刑又何說也嗚呼楊左之賢不減李杜忠賢之罪  
惡且至愚也嗚呼楊左之賢不減李杜忠賢之罪  
更浮于曹節王甫此又論世者不可不知也

高忠憲傳

公諱攀龍號景逸南直無錫人也幼穎妙然韜晦不  
以示人既長益潛心理學凡諸儒語錄性理諸書無  
不讀萬曆壬午舉孝廉尋丁母憂時顧端文公方講  
學聽之輒相悅以解曰聖人可學而至也忻然有請  
事之志律身一以敬爲主己丑登第出趙公南星門  
旋以艱歸起補行人適僉事張世則疏詆程朱欲改  
易傳註上所著書求頒行天下公不勝憤上崇正學  
闢異說疏神廟嘉之尋論大本大機語極剴切一

時名賢倡予和汝各言所志期以最上功夫尋復感憤時事上君相同心惜才遠佞疏語侵輔臣下部院會議公聞之坦然端文謂只宜杜門存待罪意若太坦然亦覺未至公深旨之議上降襍職尋調極邊甲午赴揭陽典史道中嚴立課程只于靜中着力所歷山川皆爲學助過汀州坐旅舍一小樓甚樂手二程書至萬變俱在人其實無一事句猛省曰得之矣抵官勤職事課文藝乙未歸居湖上閉關趺坐坐必七日作復七規程取大易來復義甲辰東林書院成故龜山先生遺址有道南祠爲僧院侵邵文莊公力圖修復不果至是與端文共成之一依白鹿洞規集吳越賢士大夫攷德問業其中是時椒蘭臭味同郡同邑則有孫公慎行錢公一本薛公敷教顧公允成葉公茂才安公希范劉公元珍公孟麟華公允誠王公永吉時稱絕盛而從遊者日益衆公皆進而與辨析莫不虛往實歸得未曾有庚申光宗卽位旁求舊德衆正並登召公爲光祿丞辛酉進少卿會邊報警請逐鄭養性李如楨等以銷萌除慝未幾孫

公○慎○行○上○紅○丸○疏○論○舊○輔○方○從○哲○公○讀○而○歎○曰○此○一○  
部○春○秋○也○尋○遷○太○常○少○卿○作○寅○直○說○并○陳○務○學○之○要○  
言○從○哲○養○性○大○義○不○容○不○討○不○然○孝○非○孝○反○以○不○孝○  
爲○大○孝○忠○非○忠○反○以○不○忠○爲○大○忠○黑○白○倒○分○人○禽○反○  
易○何○所○不○至○傳○旨○重○處○福○清○葉○公○力○持○僅○得○罰○俸○時○  
魏○璫○忠○賢○漸○用○事○然○談○猶○未○熾○也○已○轉○大○理○少○卿○又○  
遷○太○僕○卿○方○鄭○之○黨○且○憤○且○懼○竊○竊○以○東○林○爲○言○將○  
注○其○毒○會○京○師○建○首○善○書○院○蓋○鄒○忠○介○及○馮○恭○定○所○  
闢○而○福○清○爲○之○記○時○稱○盛○事○黨○人○朱○童○蒙○騰○疏○顯○詆○  
兩○公○皆○去○位○公○亦○乞○休○疏○謂○講○學○何○罪○頓○空○法○細○之○  
臣○禁○學○何○名○發○自○聖○明○之○世○再○移○疾○有○邪○氣○所○干○元○  
氣○大○伐○等○語○以○身○爲○喻○莫○有○感○動○癸○亥○差○歸○貽○書○給○  
諫○王○志○道○論○兩○朝○事○言○皇○祖○威○福○在○手○妙○于○調○停○是○  
皇○祖○身○上○事○皇○考○仁○孝○根○心○妙○于○隱○忍○是○皇○考○身○上○  
事○今○上○祖○考○在○念○妙○于○處○分○是○今○上○身○上○事○若○夫○嚴○  
萬○古○綱○常○守○三○尺○法○紀○君○仇○必○報○君○賊○必○討○是○臣○子○  
身○上○事○而○柰○何○諱○之○加○以○誣○謗○使○天○下○更○不○敢○開○口○  
說○亂○賊○一○字○危○言○快○論○大○義○凜○凜○公○歸○而○復○尋○東○林○

之社日宦情秋露學境春風是可決擇矣亡何起少  
司寇尋擢左都御史首糾貪墨御史崔呈秀奪職呈  
秀因入闕幕合謀傾正遂借會推謝應祥巡撫事逐  
公明年乙丑毀書院興大獄殺楊左諸君子又明年  
丙寅三月忠賢矯旨被逮當是時怯者杜門勇者結  
舌惟華文學時亨實左右公爲歸全計公先一日謁  
別道南祠歸坐后園呼諸子舉原無生死四字以示  
作字二紙局篋中戒無先發詰旦以付緹騎時已夜  
分命暫退未幾諸子推戶入見燈火熒然發所封乃

遺表也急趨池畔已赴水死起之則衣履整齊灑然  
不沾身勺水不入口數日成殮面色如生遺書云臣  
雖削奪舊係大臣大臣受辱則辱國故北向叩頭從  
屈平之遺則君恩未報願結來生臣高攀龍垂絕書

乞使者執此報皇上復有別友人書云僕得從李元  
禮范孟博遊矣一生學問到此得力心如太虛本無  
生死何幻質之足戀乎聞者哀之所著有崇正編日  
省編周易孔義文集諸書行世崇禎初贈公太子少  
保謚忠憲子世寧杜門讀書潔修高品從子世泰遠

士歷官僉事典粵試督楚學所至得士嘗有太監陰  
 象坤殺士世泰為訟言于朝性至孝敦行無修尤工  
 六書八法其斯為文學政事彬彬文質之君子歟  
 論曰東林講席雲蒸擬于河汾驚湖之盛而先生實  
 為尸盟先生固以學為行其道者也先生嘗言有  
 毫逃死之心固害道有一毫求死之心亦害道蓋其  
 學力堅定故生死在我如此史稱先生光風霽日似  
 茂叔太和元氣似明道整齊嚴肅似伊川讀書記窮理  
 立朝嶽嶽似晦翁若新會之灑落餘干之主敬河津  
 之實踐姚江之超悟兼而有之而無其弊豈虛語哉

繆文貞傳

公諱昌期字當時南直江陰人也弱冠有盛名顧端  
文公延致家塾上下議論才辨蠶涌雖端文前輩名  
家卒無以難庚子舉於鄉癸丑成進士選翰林院庶  
吉士授商討朝論以端文公故因以東林目公公亦  
弗辭將散館時工垣劉文炳再疏侵公公甫拜官未  
上移疾歸天啓初補原職主湖廣省試一論寓規有  
趙高仇士良語遂犯時忌壬戌陞左春坊左贊善甲  
子陞左諭德當公初補官時逆閹已驕橫殺光廟

伴讀王安逐首相劉公一燝會輔臣葉公向高召至  
公正告之謂內傳不可奉顧命大臣不可逐明公三  
朝大臣當以去就爭之力過其漸無令中人手滑葉  
公迂其言領之而已又二年趙公南星位冢宰號召  
海內清名之士澄汰流品公與高公攀龍楊公漣左  
公光斗魏公大中參預其議位置標榜傾動朝宇一  
時側目接手怨謗交作楊公既草二十四大罪疏公  
密告左公曰內無承外無文襄一不中而國家從之  
可幾幸乎左默然不應疏上葉公言於閣曰此豎在  
君側小心一旦去之恐不易得公勃然曰誰爲此言  
者可斬也葉公色變而起號於人曰西溪殺我西溪  
蓋公別號云此語既籍籍流聞大內群小復愬公於  
閣謂繆與楊厚善疏草實出繆手當銜之次骨是年  
推公掌南院疏格不下旋移疾乞歸勒令致仕乙丑  
坐楊公獄詞牽連追贓丙寅詔下急捕公被收時出  
就廳事邑令岑之豹遽前捉其手妻妾不得訣別惟  
聞銀鐙聲朗然撼版扉慟哭徐傳語慰勞而出慷慨  
就道賦詩有云一死無餘事三朝未報恩詔獄死狀



秘○外○人○莫○得○知○四○月○二○十○九○日○橐○籩○中○傳○出○寸○紙○自  
是○而○絕○五○月○二○日○獄○吏○以○死○上○竟○莫○知○何○日○也○其○殮  
也○十○指○墮○落○捧○掬○置○兩○袖○中○蓋○闔○以○艸○奏○故○屬○獄○吏  
加○桎○拳○焉○它○楚○毒○稱○是○公○性○負○意○氣○急○交○游○闔○罔○方  
燧○士○大○夫○或○中○立○祈○免○公○從○衆○中○面○數○其○人○赧○而○亡  
去○公○顧○問○曰○彼○得○無○未○喻○吾○指○乎○初○欲○梃○楊○疏○其○旣  
上○也○匹○馬○過○從○朝○於○楊○而○夕○於○左○往○往○離○立○長○安○道  
上○停○車○拊○馬○戟○手○罵○詈○闔○刺○知○益○恨○口○多○微○詞○兼○善  
諧○譎○就○急○徵○行○至○毘○陵○驛○舍○緹○騎○抹○首○鞞○袴○猙○獰○植  
立○公○與○客○談○時○宰○諂○附○高○邑○俯○躬○起○立○低○聲○折○支○曲  
盡○情○態○緹○騎○爲○歡○笑○失○聲○其○跌○宕○盟○噓○多○此○類○也○公  
死○時○年○六○十○有○五○崇○禎○贈○公○詹○事○府○詹○事○甲○申○追○諡  
文○貞

論○曰○明○興○史○臣○以○闕○難○死○詔○獄○者○前○則○劉○忠○愍○後○則○  
公○二○人○耳○忠○愍○以○血○裙○葬○公○以○墮○指○斂○歿○無○臯○復○歿  
無○家○忌○後○先○略○等○嗚○呼○冤○哉○獄○卒○之○殺○忠○愍○者○悔○作  
逆○天○理○事○悞○恨○疾○死○羅○文○恭○公○記○之○乃○公○死○而○吹○毛  
索○瘢○者○何○種○種○也○此○詎○可○令○文○恭○見○耶

周忠惠傳

公諱起元字仲先福建海澄人也中萬曆庚子鄉試  
第一辛丑成進士授浮梁知縣以廉明威惠著乙巳  
調繁南昌戊申內召擬禮部候考選爲某評事挾宿  
怨媒孽公臺省察其誣交章劾評事公不考冢宰孫  
公丕揚日周主事不考則評事重處考則評事姑罰  
俸衆強之乃考授湖廣道御史會攻東林道學之議  
起公因駁之大犯時忌丁巳出爲桂平道叅議會歲  
飢餓殍載道多挺而走險公先急救荒而徐議弭盜

地方以寧。巡撫林欲屢疏薦有云。全活數萬命。保全十餘城。上嘉之。庚申遷四川副使。尋加秦政。陞通州。癸亥轉太僕寺少卿。擢僉都御史。巡撫應天。一縷一罍。不取民間。且捐俸金鼎新文廟。又疏請裁織造濫額。參織監李實。酷取料銀踰冒四萬兩。實又誣陷蘇州同知楊姜。公三疏申救。言本官最得民心。實仇有司。則拂百姓。拂百姓則百姓必仇實。念及于此。可不寒心。而况干糾劾大權。將置撫按何地。不獨下逆典情。抑且上關國體。又言本官有賢聲。而無劣狀。不過

以爭炤各監舊規。不肯倡行。屬禮遂致誣劾。姜一小吏去之。何惜。獨惜賢好。從此混淆紀綱。從此倒置。凡有求不遂者。皆得挾私忿。中人以不測之禍。甚非清世所宜見耳。然姜竟削藉去。以此積不相能。兵使者朱童蒙。儉人也。恣睢以逞。一夫寃成。萬姓憤激。公特擊蒙。而蒙已竄身瑞局。遂有排搯正人之旨。禘公職歸群。克意猶未厭。攢謀嗾實。特疏誣公。阻抑上供。冒破鼓鑄。逆璫矯旨。與高忠憲等七人同逮。公素廉介。宦橐如洗。檻車之費。計無所出。士民醵貲。為助城闔。

之履相踵有叩闕歌召衆公聞而止之日臣子事君  
身非已有雷霆雨露莫非天恩梓里愛我豈可陷我  
不法耶衆稱散比至京對簿誣贓數萬拷死詔獄踰  
年毅宗贈公兵部右侍郎南都追謚忠惠

論曰璫賢殺士大夫不下數十然皆借要典三案封  
疆汪文言獄爲一網計公無一焉又其人多黃門侍  
御史詞林郎署官輦轍者公則開府三吳久矣至于  
白簡丹書不繇臺省之抨章不俟法吏之爰書始則  
中旨奪職繼則假手尚衣之監以致身填牢戶公之  
冤酷豈有二哉吳中數百年節鉞相望獨二周鼎存  
夫裕國恤民文襄誠宜尸祝若執法如山不畏強禦  
公殆獨嶽嶽千古乎

顧裕愍傳

公諱大章字伯欽號塵客南直嘗熟人也父雲程歷  
官南京太常寺卿公少負異才與弟大韶學生有二  
陸兩蘇之目長而通經術諳掌故慨然有經世之志  
登萬曆丁未進士除泉州府推官移病免歸改常州  
府儒學教授稍遷國子監博士是時黨議已成東林  
斥逐盡公歎曰昔賈彪不入顧慶之目西行以解其  
難吾不預東林正可以彪自况也廣文官冷非世所  
指名公又能奕棋諳澁與朝士浮沉上下而實以其

間○為○收○拾○人○才○改○紀○國○政○之○地○也○  
光○廟○御○極○幸○昌○  
為○政○場○左○在○臺○省○除○舊○布○新○公○力○居○多○而○側○目○起○矣○  
遷○刑○部○歷○主○事○員○外○以○久○次○議○調○而○經○撫○之○賦○廷○司○  
寇○王○莊○毅○公○以○為○非○公○不○能○辦○留○公○署○山○東○司○主○藏○  
公○惜○熊○公○之○才○議○賞○之○以○責○後○効○然○以○眾○議○堅○不○能○  
奪○卒○定○經○撫○同○辟○公○又○精○敏○強○而○明○習○法○比○案○嚴○止○  
積○手○批○口○決○老○獄○吏○皆○為○且○舌○決○滯○之○屬○也○臺○省○搜○  
獲○奸○細○棄○市○無○虛○日○繫○者○二○百○餘○人○飢○寒○疫○疾○莫○敢○  
問○者○公○請○于○王○公○曰○以○一○身○易○十○餘○人○命○亦○在○官○

之○况○一○官○乎○即○日○詳○訊○論○一○人○頌○繫○二○人○餘○皆○移○人○  
理○縱○遣○王○公○歎○息○稱○焉○已○調○兵○部○復○調○禮○部○出○為○陝○  
西○按○察○司○副○使○逆○璫○用○事○群○小○謀○殺○楊○左○魏○逮○其○客○  
汪○文○言○下○詔○獄○聚○而○謀○曰○先○是○經○撫○之○獄○刑○部○領○員○  
外○引○入○議○議○廷○弼○廷○弼○楚○人○也○領○員○外○楊○左○黨○也○以○  
鬻○獄○坐○鎮○以○閑○通○坐○楊○左○則○一○網○可○盡○遂○下○旨○逮○繫○  
與○楊○左○等○六○人○並○下○詔○獄○五○人○者○後○先○考○死○移○公○下○  
刑○部○獄○命○法○司○定○爰○書○公○慷○慨○對○簿○曰○某○奉○旨○差○去○  
司○據○招○定○罪○豈○容○有○辨○欲○辨○則○抗○聖○旨○也○

欺○本○心○欺○法○司○欺○天○下○後○世○且○五○人○者○皆○前○死○矣○借  
某○以○實○五○人○之○招○則○某○既○自○誣○服○又○代○五○人○誣○服○何  
以○見○五○人○地○下○乎○明○公○能○昭○雪○此○案○則○萬○代○瞻○仰○不  
然○有○鎮○撫○原○招○在○夫○復○何○言○法○司○無○以○難○已○而○歎○曰  
汪○文○言○猶○能○為○貫○高○吾○獨○不○能○乎○吾○不○可○以○再○辱○矣  
乃○呼○酒○與○其○弟○大○夏○從○弟○大○武○訣○別○趣○和○藥○飲○之○未  
絕○雉○經○而○卒○天○啓○乙○丑○九○月○十○四○日○也○時○年○五○十○卒  
之○前○數○日○手○指○重○傷○強○拈○筆○作○自○敘○筆○紀○訣○別○詩○凡  
數○千○言○酒○酣○慷○慨○既○語○曰○自○唐○虞○至○今○纔○四○千○年○吾○生

五十年已得八十分之一不可為不壽即以凶終不

猶愈於老死牖下者乎又為鶴詔曰彼作風波翻世  
道長留日月照人心曰此宅日麗常對聯也其豪爽  
自喜通達死生之際如此崇禎收元帛贈太僕寺少

卿甲申追謚公曰裕愍

論曰公入詔獄時有芝生焉一莖而六瓣公與五人  
死芝亦隕是時自氣亘天南斗失位然則公之冤幾  
於霄龍六月矣彼草木無知猶為公輩告辭其下石  
推刃者乃出金紫貴人亦獨何哉

周忠毅傳

公諱宗建字季侯號來玉直隸吳江人也祖恭肅公  
 用康陵時為言官擊中貴人著直聲公幼輒心嚮  
 往之長而讀書慕古人大節嘗論蘇秦揣摩富貴卒  
 以富貴死為不孝侍大父為談及楊忠愍事公曰楊  
 公之死乃不死耳彼鸞嵩安在識者器之萬曆丙午  
 雋癸丑成進士試為令歷武康德清仁和三邑皆治  
 武康僻小苦役民好鬪公設井閭冊先清戶口以徵  
 賦餘倣條鞭法次第其徭官自召解不一煩民間運



舟集河下。奸人數把持爲害。公按舟置倉。舟至如歸。各實所載。竟歲無譁。訟獄煩興。繇指使者衆。公戒凡訟牒必書師史名。豪猾不敢騁。其治德清亦然。仁和較清劇矣。又諸藩之國符傳。日夜趣發。骯骯之徒。竄名市籍。其尤無良者。至蠱聚婦人。畧財利。公立禽殺之。日延耆士講士禮。建武林書院。讀法鄉射。其中邑廼大淳辛酉秩滿。擢爲御史。時魏璫忠賢方用事。與客氏朋倚。爲奸。然人猶以爲易與。云此壁鼠耳。無能爲也。公曰不然。虺已爲蛇。乘霧則不可制。會四月。用電公首陳陰氣致沴。爲臣侵君。下凌上象。璫銜之。值一上御經筵。撤講後。摘公疏中千人所指。目不識丁。二語。嘵嘵詬詈。聲達宸聽。賴閣救。意稍解。居久之。上心悟。遣客氏出宮。其明日尋召入。公疏爭益堅。謂皇上天倪初諧。前星將朗。三宮之內。叶吉承懽。而顧使妖穢如客氏者。煽處於側。臣竊憂之。夫客氏忠賢內外交通。逆謀漸著。乃出不踰宿寵。命隨頒。天子成言。有同兒戲。法宮禁闥。僅類民間。卽謂階前片地。不足爲意。嬾人女子。束縛何難。然此輩一叨恩格。

輒奠踰涯。昔漢楊震於靈帝初年力諫王聖之弄權。左雄於安帝初年極論宋娥之專寵。齊世祖於天康初年以陸令萱之蠱惑卒至大亂。凡此三君咎繇保婦原其始事皆謂無傷。惟陛下垂鑒毋尋覆轍。疏入忠賢以爲欲空其奧。援陽示薄罰。陰屬郭鞏等傾之。公心益不平。因復上言。處忠賢之威勢可以咳唾而成風雲。計忠賢之財力可以呼吸而驅神鬼。極忠賢之線索可以使愛者升天怒者墜淵。而臣義激於中指名糾劾。已不知死所矣。乃鞏密授指使爲一詞。訐是察典非朝廷之察典。乃忠賢之察典。匿名文書之察典也。是使天下但知有郭鞏不知有家臣。不知有憲臣不知有考功之法。并不知有皇上之威靈也。先朝汪直劉瑾其人皆梟獍然幸言路清明臣僚隔絕不久終敗。今權璫之報復反借言官以伸言官之聲勢。反假中涓而重臣若不爲攻擊。將內有忠賢爲之指揮。旁有客氏爲之操縱。中有劉朝等爲之助威。而外復有鞏等從而蟻附蠅集。天下事尚忍言哉。璫聞憤且懼泣愬。上至請自髡以激。上怒禍叵。

測○福○清○力○持○僅○奪○俸○或○怵○公○曰○子○之○能○已○見○于○天○下○  
矣○稍○含○忍○庸○何○傷○獨○不○爲○堂○上○計○乎○公○奮○踊○曰○我○之○  
不○避○死○患○務○強○諫○者○非○好○爲○名○高○也○誠○見○天○下○之○禍○  
莫○大○於○進○小○人○退○君○子○而○宦○官○宮○妾○爲○之○衡○行○也○父○  
母○雖○老○王○陽○王○尊○其○能○兼○乎○我○念○決○矣○請○以○死○繼○居○  
有○頃○道○傳○劉○朝○將○與○兵○公○駭○曰○中○涓○典○兵○如○虎○傅○翼○  
昔○魚○朝○恩○童○貫○可○爲○殷○鑒○皇○上○奈○何○以○刑○餘○爲○方○  
叔○以○腐○豎○爲○召○虎○乎○卽○力○陳○九○害○三○不○可○以○上○危○言○  
昌○惻○讀○者○悲○焉○疏○不○報○然○事○卒○寢○尋○奉○差○視○光○祿○歲○  
省○金○錢○可○數○萬○忤○大○璫○勿○恤○也○癸○亥○按○楚○命○下○將○  
遂○  
外○艱○歸○丙○寅○聞○緹○騎○四○出○公○曰○久○知○此○矣○吾○  
首○擊○闔○不○久○當○繼○諸○君○子○逮○卽○不○吾○逮○吾○當○伏○闕○爲○  
楊○左○死○爭○之○未○幾○卒○逮○公○一○時○道○路○沟○沟○爭○指○闔○矯○  
詔○罪○將○擊○緹○騎○呼○公○寃○公○力○論○始○稍○散○不○數○日○而○  
繼○逮○周○公○順○昌○者○卒○斃○吳○人○手○以○故○二○周○之○聲○尤○著○  
而○璫○之○欲○殺○之○者○乃○惟○恐○不○速○下○詔○獄○一○再○訊○承○刑○  
備○毒○至○肉○節○糜○圻○大○呼○天○地○祖○宗○共○扶○擊○賊○夜○半○  
沙○囊○以○死○時○年○四○十○有○五○聞○公○初○逮○時○京○師○地○震○入○

獄就勘王恭厥雷火再出訊下冰雹歿之日朝天宮  
灾天意何嘗一日欲死公哉公所著有諫書百篇皆  
關國家綱紀及論語商尚書講義諸書行世烈皇  
帝登極贈公太僕寺卿廕一子予祭葬乙酉追謚忠  
毅

論曰古稱奸臣之始以臺諫持之有餘及其既成以  
干戈取之不足養猫捕鼠蓄犬防奸皆善喻也逞者  
寺人之亂禍烈南國矣而言闖惡者莫公先也卒以  
身殉宜史氏以公為首忠與公真不媿恭肅公矣然

恭肅位冢宰以榮名終公爵不過治書益死詔獄禮  
孫遇不遇何相懸也君子于此觀天焉

魏忠節傳

附子學伊

公諱大中字孔時號廓園浙江嘉善人也微時貧至  
火不能舉居湫巷數椽風雨不蔽顧人言公貧公不  
喜自謂貧意致豁如也萬曆己酉舉于鄉丙辰成進  
士授官行人考選擢入工垣彈擊無所避權貴斂手  
餽遺及門雖平嘗交際皆不啓緘而反之先後謝去  
當中人十家之產者累百不止時高邑趙公南星爲  
冢宰特心折公每事必就咨亦時時有所汲引皆海  
內人望無所私然忌者乃自是啣公癸亥遷禮垣甲

子晉吏垣長益以激濁揚清爲已任忌者益怒然公不以是少挫一日嘆曰子絲謂天下事非諫官不得盡言陽城爲諫議大夫少所建白退之譏之吾幸領袖諸垣脫不取今日國家亂本一大撲滅燎原之炎長此安窮且甚非朝廷尊寵言官意頃之楊忠烈疏璫罪公聞之曰是余志也楊公乃先我着鞭因上疏曰自古亂人國家者有男戎又有女戎兩者往往相倚以成奸故古者聖王在上宦者不得交通禁近于預政事是以朝廷清明萬殊蒙福今逆豎魏忠賢私結奉聖夫人客氏擅作福威操縱生殺殺王安以立威內廷逐劉一燝周嘉謨等以立威外廷一日而斃三國戚之家人以立威宮禁又未已也懷冲太子胡爲不育裕妃胡以革封皇上南郊之日胡貴人又胡以無病暴卒皇上身爲天子而三宮列嬪乃盡以性命寄之忠賢客氏之手危若朝露能不寒心又况出入警蹕僭擬乘輿不軌不法逆謀大著惟皇上立斬忠賢驅除客氏爲宗社久長計疏入忠賢怒會值晉撫員缺廷推謝公應祥謝故清流然出高邑

意無預公以謝會令嘉善首拔公忌者卒用是逐公  
乙丑逆封疆案逮公庾死詔獄方被逮日天大雷  
電風吼水立邑中號呼候送者數千人雖無倏緹騎  
咸爲涕零時公子學泚踣跪攀號侍公以北公曰覆  
巢有完卵耶父子徒俱碎無益然公子卒微服變姓  
名至京欲上緹縈書不獲則刎關下已念徒死無益  
且傷公心卒乃忍死負公骨歸歸而朝夕號未嘗  
入寢室每至丙夜淚盡舌枯家人問以水漿進卻之  
日詔獄中誰夜半而進之者卒哭泣至死假令公  
子不卽死異日者續遺緒雪父仇竟所欲爲然後以  
告公地下豈不稱孝而公子寧爲此不爲彼者則公  
子至性絕人也公子甫八齡墮橋斷足頻死不作呻  
吟惟臥讀陶詩以爲樂便已解脫生死旣而與錢君  
仲芳昆季稱石交時以名節相敦勉嘗言天下多故  
死忠死孝便是了生死凡于貪怖之根歸全之義宣  
闢倘至聲淚俱惻粥粥乎若惟恐七尺爲已有者嗟  
乎人患無死所是父是子死可矣公贈太常寺卿謚  
忠節廕子祭葬而公子亦祔祭配祠

論曰予如嘉禾嘉禾之人爲予言閩禍未作里人夢  
公藁葬地忠孝婦額金書煌煌覺而異之及是卒以  
身殉蓋有天焉昔咸和之世卞氏父子同日赴難其  
毋撫屍哭曰父爲忠臣子爲孝子我復奚憾每讀史  
至此未嘗不歎忠孝至難而萃自一門者尤不易易  
若公父子豈遠出古人下哉

周忠介傳

公諱順昌字景文號蓼洲直隸吳縣人也好清節居  
恒以冰雪自砥礪萬曆中壬子癸丑聯舉鄉會初授  
福州司李將之官時撫吳者閩人也弟殺人當死百  
計緩頰求公生之公不可比至閩卒按如法庭空若  
水一切請囑概無徇顧意主平恕不務爲鍛鍊周內  
之術時稅璫高家橫甚公獨抗不爲禮璫役作奸者  
輒捕置之獄璫所科罪鍰下郡縣徵理或峻刑督責  
公爭之力民賴少甦已而璫以民變劫中丞質二司



或議以司李代公曰此豈吾死所哉固不往因與監  
司之媚璫者左幾掛冠去然聲價因是益高行取爲  
吏部主事歷文選員外郎署選事力以進賢退不肖  
爲已任所汲引皆孤特士反是雖要人爲請託不顧  
公於門戶故無所標榜而薰蕕不同遂不能無左右  
袒嘗推一大僚忤權貴人意自引歸已璫忠賢敵日  
熾公每與人言義形於色乙丑吳撫周公起元以忤  
璫落職公爲贈言感慨淋漓指斥不諱嘉善魏公大  
守爲璫所切齒被逮過吳公與魏公非淡交至是獨  
出郭迎之與留連三日緹騎群侍公戟手誓忠賢不  
絕口或勸公無多言公笑語諸緹騎曰爾歸告忠賢  
亦知吳下有不畏死男子周順昌乎臨別復以女字  
魏公孫於是御史倪文煥遂疏論公不應與罪人締  
婚因言署選時受賄不可勝數至張家灣舟爲之沉  
因取中旨削公籍不知公歸取道中州裝僅二橐未  
嘗繇水中外傳其事以爲笑復有吳紳啣公刺其反  
覆者因中公於織監李實及新撫毛一鷺實遂與一  
鷺謀因論周公并文致公等緹騎至吳令陳文瑞懷

牒告公。神色不動。慨然曰。久知此矣。罪臣因在籍。不  
得控尺。五紵所欲言。爲憾。倘因得上書。或得責數。當  
事使諸奸。知世間忠義。不可盡殺。則一死以報。皇  
上耳。陳令請公入室。爲別。公咲却之。顧案上有素榜。  
乃某僧屬書。菴額。亟者命筆。題小雲棲三字。書法遒  
勁。後識年月。投筆而起。意氣浩然。甫出門。詣逮所。百  
姓號呼擁送者。以萬計。蓋公自通籍。革門蓬戶。蔬食  
布衣。不取一介。又時時爲當事言。民間利病。以故吳  
人德之。倚之爲天。同邑賢者。吳公默。文公震。孟姚公  
希。孟朱公陞。宣與諸生。徐公沂。楊公廷樞。王公節。文  
公震亨等。躬扞大難。爲歛貲。治裝而顏佩韋等五人。  
一旦聞忠賢。矯旨殺廉吏。遂爭擊緹騎。立斃其二。而  
五人亦卒。論歾嗚呼。丑寅之間。矯詔四出。鈞黨之捕。  
遍於天下。諸君子。自分無生理。旣駢首就繫。無復辭。  
而其鄉之士。若民固誠。髮豎皆裂。與一大奮。擊稍懾。  
璫。燄卒蓄縮。畏忌而不敢發。自五人奮臂一擊。義聲  
薄天。璫至。膽落大獄。以止。雖五人義烈。不可磨滅哉。  
微公有以致之。不及此。或有諷公自裁者。公歎曰。順

昌小臣也。敢引大臣不辱之義乎。知此行必死死見。高皇帝請殛元凶以清海內。此願畢矣。諸君第記。吾言他日爲作忠臣傳可也。又手書別相知有云。唯。有豎起脊梁鍊成一鐵漢。期不負知己。越三日取聞。道行獨文學朱祖文策蹇從之。所以左右之者備至。後卒以勞悴卒於京邸。公旣行所過無論識與不識。皆爲泣下。至京下詔獄。公對簿不屈。瞋目喫血極口。罵璫而死。踰年戊辰。逆璫與其黨以次伏誅。徐公泚。成進士。讀中秘書。爲時名臣。庚午楊公廷樞舉第一。

人爲南闈盛事。亦不可謂天之報施善人或爽也。公。贈太常寺卿。謚忠介。予祭葬。賜廕。子茂蘭。負才藻。有。聲。諸生間念公忠義。寃死。弃廕職。不就。所罪死五人。另有傳。

論曰。周公死。義與諸公同。而有二異焉。諸公昌言盈。廷身履虎尾。以爭勝負。勢旣剝膚。難免同盡。公以局。外林間之身。耻不與黨人舉世啗啞。一人謗謗。以及。於難一異也。檻車四出。聞者掩涕。然亦在賢士大夫。則然。獨公自單門窮巷。東西南北。販夫樵笠。咸咨嗟。

憤發甘與俱死○二異也○繇前言之○則椒蘭之性不可  
移○繇後言之○則冰蘖之操不容泯耳○思宗慎重易  
名○璫難諸君子○自九卿外獲謚者○僅公與楊忠烈○魏  
忠節○時服其允○當然則公于三人中○尤五岳之泰岱○  
四瀆之河伯哉○

黃忠端傳

公諱尊素○字真長○號白安○浙江餘姚人也○少負軼才○  
摘詞揆藻○下筆不能自休○年三十○未補博士弟子員○  
授徒茗雲間○意豁如也○萬曆乙卯○舉於鄉○丙辰○成進  
士○為寧國推官○郡多貴人○以氣力漁食閭里○持吏短  
長○公精強廉辨○執法如山○咸相戒莫敢犯○入為山東  
道御史○時天啓之初年也○都城一日三震○公上疏曰○  
阿保重於趙媯○禁旅近於唐末○蕭牆之禍○潛於戎狄○  
宵人為之咋指○楊公漣劾闖二十四罪○公抗疏繼之○

謂忠賢與其私人柴柵既深螫辣誰何勢必臺諫折  
之不足卽干戈取之亦難請上自爲國計又盡論  
廷杖非祖制謂奸人必借廷杖以快其私將爲所欲  
爲莫有顧忌而禍且移之國使後世史臣書之曰某  
年某月工部郎萬燦以言某事死杖下可不爲惜哉  
時南樂魏廣微附逆闖入相朝右交關鼓煽一二正  
人力相檣柱公語門人徐公石麒曰軋六龍一亢姤  
豕至矣姤一豕躡躡玄黃至矣羣賢之龍戰可謂亢  
矣南樂其姤豕也不務艱貞用晦敦復以俟時而出  
一決無復之之計其可幾乎群公善其言而不能用  
也公去郡郡人持短長蜚語相中總憲鄒忠介公元  
標力持之公初入臺卽進規於忠介曰都門非講學  
地也徐文貞已叢議矣忠介卒用此去群小之撼君  
子自此始也萬公燦之杖也公語楊公漣曰可以去  
矣楊曰苟濟國生死以之公曰言不用何濟君子不  
顧生死成敗不可不顧出處魏公大中將攻南樂公  
曰頒朔後朝小過也攻之急勢不反顧二憾交作不  
可爲矣後卒如其言嗚呼公能矚見幾微而卒以身

殉○豈○非○天○哉○初臺省請閣講救止廷杖○群閣數百人  
咆○哮○詢○詈○閣○臣○噤○不○發○一○語○公○叱○之○曰○內○閣○絲○綸○要  
地○司○禮○不○奉○命○不○得○至○若○輩○何○爲○始○稍稍○散○去○彰○德  
進○玉○璽○將○御○門○受○賀○公○執○奏○曰○宋○哲○宗○得○璽○蔡○確○等  
爭○言○祥○瑞○改○元○祥○符○其○後○朋○黨○禍○興○宋○祚○不○永○弘○治  
十○三○年○陝○西○進○玉○璽○止○命○取○進○祖○宗○故○事○當○法○不  
應○踵○宋○事○其○据○經○守○正○皆○此○類○也○乙○丑○黨○禍○大○作○公  
除○名○爲○民○楊○魏○皆○考○死○公○爲○位○慟○哭○是○夕○夢○揚○公○曰  
大○禍○未○解○丙○寅○以○織○監○李○寶○疏○被○逮○極○刑○考○掠○體○無

完○膚○慷○慨○談○笑○抵○死○不○屈○臨○難○賦○詩○一○章○南○北○何○窮  
頭○以○謝○君○父○丙○寅○閏○六○月○朔○日○也○年○四○十○有○三○越○五  
日○出○獄○肌○肉○漲○爛○頭○面○不○可○識○別○矣○毅○宗○卽○位○贈  
公○太○僕○寺○卿○十○七○年○冬○追○謚○忠○端  
論○曰○公○志○在○弘○濟○艱○難○不○欲○辭○直○債○事○然○每○有○搏○擊  
飛○章○廷○爭○未○嘗○不○爲○人○先○公○固○曰○吾○寧○不○與○諸○君○子  
同○其○功○不○願○不○與○諸○君○子○同○其○禍○也○嗚○呼○去○雄○唱○雌  
和○古○風○遠○就○者○遠○矣○

周忠毅傳

附袁化中等

公諱朝瑞、字思永、號衡臺、江右籍、南直清源人、萬曆  
丁未進士、授中書舍人、考選吏科給事中、時光宗  
嗣統、公入垣甫四日、卽疏言慎初三要、信任仁賢、推  
廣德澤、斥遠邪佞、指畫危顛、致干上怒、獲嚴譴、舉  
朝力救、乃解、尋降一級、調外用、熹廟初、復原官、遷  
禮科左、與楊璉善、移宮一事、力爲贊成、爲杜漸防微  
之論、至援宋韓琦請太后還政事爲諫、謂我朝無母  
后垂簾之法、李康妃急宜移宮避嫌、又請及時講學、

謂常朝已漸借題傳免。倘并經筵報罷。恐將來司馬門之報格。不以奏呂大防之貶。竟不及知國家大事去矣。疏入。客魏恨甚。先是邊事孔亟。公請姑用熊廷弼於山海。刑部員外徐大化媚璫借題。指公爲黨。公特疏糾大化。賜鶚悞國。群奸遂借封疆移宮二案。逮公下獄。誣贓數萬。極刑榜掠而死。戊辰。贈公大理寺卿。甲申。謚忠毅。同時又有御史袁化中。字熙宇。武定人。萬曆丁未進士。會崔呈秀回道考察。削職以去。又疏糾忠賢不法。請倣王安例。置之南海子。忠賢怒。矯

旨逮下。詔獄坐贓。拷掠而死。戊辰。贈太僕寺卿。甲申。謚忠毅。又有御史夏之令。光山人。進士。以叅發姦子府盜草事。下獄。拷死。御史吳裕中。江夏人。進士。以叅輔臣丁紹軾。廷杖死。後軍經歷張汶。以論璫拷死。吏部郎中蘇繼歐。以戟詈忠賢。懼罪自縊死。論曰。歷觀治亂。寺人之禍。未有大焉者也。東漢之季。衆正盈朝。破合枉。壞冢宅。發其奸私。勢宜衰止。一不振。而海內賢人。皆殞其手。况彼方炎者乎。自古外廷與內角。不聞一勝者。諸公踴奮身以除左右之惡。



不憚再三欲匡王國而使正諸公固不欲免卽欲免其可得乎嗚呼此唐魏徵所以不願爲忠臣也

吳王事傳

公諱懷賢字齊仲南直休寧人也博物閱覽天祚初授中書舍人每入直觀魏忠賢逆狀輒欲請尚方劍清君側奸又手錄楊忠烈二十四大罪疏評之有盡如韓魏公處任守忠故事卽時安置等語爲璫侄良卿賂左右竊示忠賢忠賢怒坐公投結東林爲楊左党公從容言曰懷賢得與楊左齊名歟亦何恨拷掠不屈瘦死詔獄戊辰贈工部主事論曰自資格困人凡清流雄望必以甲乙榜爲嚆矢

雖任子明經之卓然者不得鴈行况貴郎乎吳公起  
成均官侍從非有糾彈封駁之責又給事綸扉與黃  
門謁者日通往來不走倖竇求速化足矣感情激烈  
卒以身殉豈非觸奸指佞天性所植可殺不可變耶  
然其名不大著同難錄亦不列然則資格不獨能錮  
人進取且能掩人忠佞矣又何怪石渠天祿闕承瑞  
願指以要典殺人者始終瓦全身名俱泰也

劉太僕傳

公諱鐸字我以號洞初江西廬陵人也世篤忠貞始  
祖剪官行人忤時宰遣使絕域不屈遇害再傳文懿  
公宣忠愍公球俱以文章節烈稱公生而鳳目頰顏  
竒表天授長益聰穎絕倫間好法書繪事里中目爲  
神童登萬曆丙辰進士初授刑部主事冬月憫囚饑  
寒捐俸煮粥置藁蓆全活甚衆已未轉員外奉勅齎  
帑金使陝西道遇劫公單騎直前賊遙望見關壯繆  
護持悉遁去庚申晉郎中尋丁艱歸甲子服除出守

揚州諸所興革遠近厭服。顧公傷心朝政，偶賦詩書。僧扇有揚城君恩重，陰霾國事非之句，爲魏忠賢所佈。番役竊得，而邑紳倪文煥素憚公嚴明，欲因事去之。遂嗾忠賢矯旨逮問，士民悲戀，爲叩閭者數百人。時刑部侍郎沈演力持公論，謂聖朝不以語言文字罪人，豈可以將無同之字蹟成莫須有之罪案。讞上得旨，復官。公方候補，而叅將張體乾迎瑞意，與其黨谷應選捕公僕榜掠，誣招賄買術士方景陽，咀咒厥臣。棄市。戊辰逆黨伏誅，贈公左僕寺卿。後泰州守李自滋夢公爲城隍，吏某降神，亦言其事。州人立廟祀之。官有疑獄，投詞於井，夜卽見夢，如言。州民無遁情云。

論曰：昔漢楊惲以與友人書得罪死，公之以言賈禍。大畧與同。然惲以被放，故多所怨望。識者以其不能存待罪意，惜之。公以諷咏譏切，卒嬰大戮。君子不無重悲焉。雖然，三復公詩，忠君愛國，纏綿懇惻，可與楊左諸封事並垂矣。

萬忠貞傳

公諱燥、號元白、江西新建人也。祖恭、仕至少司馬、有  
勞績。公生而正直、矢志侃侃、登萬曆丙辰進士、初授  
刑部主事、上刑獄、干和疏、報聞、調工部營繕司、治銅  
官事、得清惠聲。副虞衡、專司鼓鑄、嘗請內庫廢銅、供  
錯刀之需、中涓弗善也。甲子、以屯田郎往慶陵、見逆  
壘墳塋、僭侈擬于王者。公拊膺長嘆、曰、何物么麼、敢  
于逞逆、窮奢至此。疏發其奸、謂人主有政權、有利權、  
政權一日不握、則德分圃池、威分出彘、而有尾大不

掉○之○虞○利○權○一○日○不○操○則○竭○澤○而○漁○飛○人○而○食○而○有○  
毛○將○焉○附○之○患○今○太○監○魏○忠○賢○口○啣○天○憲○手○握○王○爵○  
生○殺○予○奪○權○盡○爲○有○臣○無○容○贅○更○有○關○切○臣○之○陵○工○  
職○掌○者○臣○向○承○乏○寶○源○局○目○擊○銅○錢○匱○乏○知○內○官○監○  
破○廢○銅○器○堆○積○朽○爛○不○下○數○百○萬○臣○因○移○文○請○發○忠○  
賢○怒○不○報○臣○時○具○疏○特○請○查○發○到○局○鑄○錢○協○濟○陵○工○  
忠○賢○益○怒○旋○出○中○旨○不○許○夫○以○忠○賢○珠○玉○盈○筭○金○銀○  
滿○屋○何○求○不○得○何○欲○不○遂○似○此○破○廢○銅○器○亦○必○一○手○  
拏○定○者○其○設○心○以○爲○不○若○是○無○以○操○天○下○之○利○權○既

操○天○下○之○利○權○何○難○攬○天○下○之○政○權○奸○雄○用○意○最○深○  
蓄○謀○最○毒○臣○猶○記○今○三○月○詣○陵○開○工○親○過○忠○賢○所○營○  
墳○墓○見○其○碑○石○崢嶸○隧○道○深○闊○翁○仲○簪○朝○冠○而○環○列○  
羊○虎○接○駝○馬○以○森○羅○制○作○規○模○仿○佛○陵○寢○且○前○列○祠○  
宇○特○建○佛○堂○璇○題○耀○日○珠○網○懸○星○金○碧○輝○煌○丹○堊○炤○  
耀○竭○東○南○之○物○力○冠○西○北○之○旃○檀○而○先○帝○之○陵○寢○  
未○完○錢○糧○無○措○曾○不○一○痛○念○焉○盜○利○權○悞○陵○工○大○罪○  
莫○甚○疏○人○上○震○怒○命○杖○一○百○首○輔○葉○公○向○高○揭○救○  
不○聽○是○時○楊○忠○烈○二○十○四○罪○疏○上○中○外○相○和○章○滿○公

車忠賢欲借曹郎示威命群監從公私邸拉至午門  
白梃橫擊血亂神飛未受杖已奄奄垂盡矣杖竟兩  
股糜潰舉體臃腫色如墨踰四日死戊辰 毅宗贈  
公光祿寺卿南都追謚忠貞

論曰逆瑞之世大獄繁與其殺賢士大夫實自公始  
公死而吾師黃石齋先生哭之以詩有云六月冰霜  
辭○聖○澤○二○陵○風○雨○鑿○微○勞○感○慨○淋○漓○不○堪○竟○讀○昔○賈  
誼○值○漢○文○寬○大○之○朝○且○援○引○古○誼○謂○簾○遠○地○則○堂○高  
宋太祖鞭撲不行于殿陛罵詈不及于公卿其後代

卒食尊賢敬士之根奈何熹皇之世縱瑞措可至此  
也嘻異矣

丁學士傳

公名乾學字天行號自庵山陰人順天籍萬曆己未  
進士選庶吉士授檢討壬戌爲同考會試官取士許  
士柔孟兆祥任贊化皆爲名臣甲子主考江西時璫  
焰方熾公不得已以試錄代彈文于第三程策內敷  
陳豫道言中旨頻頒緹騎時下今且以通國爭而不  
勝凡再辱士大夫而天下亦旣虞寺人且天下事變  
寧可預料漢攘彝狄曹節王甫與張角兩亂之唐苦  
藩鎮仇士良劉季述與王仙芝兩亂之當時汪直劉

瑾之禍○釀之有端○去之有術○其不可用○罔明甚○東陽  
之委蛇○既未可為○徒遷之潔已○亦豈得策○韓文之聲  
大義○固未可盡○非乎顧○何以如楊○一清卒○清君側之  
奸○耶語侃侃○不少忌○瑞閱之怒○甚矯旨○同方逢年○顧  
錫疇等○削職為民○而公又籍隸京畿○誼難遠跡○瑞屢  
遣人授意於公○公介節剛腸○百折不回○忠賢遂於丁  
卯正月○命奸弁高守謙等○詐傳駕帖○立時勒死○後瑞  
誅置守謙于法○天子稔知公冤○詔贈侍讀學士○再贈  
禮部侍郎○所著有擁膝齋集○比樂堂稿若干卷○子聖

肇舉賢良方正○仕推官○子婦王玉映為詩紀其事○有  
曰○報君止頭顱○豈博刑餘悅○可謂詩史云○玉映王公  
思任女也

論曰○公無言責○可以不言○而以試策代彈文○說者比  
之劉太華○夫去華不平之鳴○或有激而然○若公履魏  
科○官禁近○木天一席地○他人惟恐奪我鳳凰池者○公  
獨甘心○舍安就危○舍石渠天祿○就刀鋸鼎鑊○較去華  
尤難○雖與劉忠愍○球並傳可矣



啓神里系



